

Rombongan Jawatankuasa UMNO Kuantan temui PM bincang kedudukan MB

KUALA LUMPUR, Selasa — Satu rombongan Jawatankuasa UMNO Bahagian Kuantan menemui Perdana Menteri, Datuk Seri Dr. Mahathir Mohamad petang ini membincangkan kedudukan Menteri Besar Pahang, Haji Abdul Rahim Abu Bakar.

Rombongan 16 orang diketuai oleh Ketua Bahagian tersebut, Haji Ali Shariff, berbincang dengan Perdana Menteri selama satu setengah jam di Jabatan Perdana Menteri di sini.

Difahamkan, mereka telah mendapatkan penjelasan dari Datuk Seri Dr. Mahathir Mohamad sama ada Haji Abdul Ra-

him akan kekal atau tidak sebagai Menteri Besar.

Tidak ada kenyataan dikeluarkan hasil perbincangan tersebut.

Bagaimanapun, seorang ahli rombongan itu memberitahu, mereka puas hati dengan hasil perjumpaan itu terutama tentang penjelasan Perdana Menteri mengenai kedudukan Haji Abdul Rahim.

Beliau berkata, perbincangan itu berjalan dalam suasana yang baik dan mereka menghargai segala penjelasan dari Datuk Seri Dr. Mahathir.

Beliau, bagaimanapun, enggan menjelaskan lebih lanjut hasil dan keputusan runtingan tersebut.